



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Johannis Meyeri S. Literarum Doct. & Prof. Uxor Christiana Sive De Conjugio Inter Duos Deque Incestu Et Divortiis, Dissertationes Tres**

**Meier, Johannes**

**Amstelædami, 1688**

Cap. XII. Sententia Enan circa materiam de incestu, quæ refertur in libro Karæorum MS. Rabbi Shcabbetai sacerdotis, qui estxat in Leg. Warn. Bibl. Leyd. Num. 21.

**urn:nbn:de:hbz:466:1-40272**

## CAPUT XII.

*Sententia Enan circa materiam de incestu, qua refertur in libro Karaorum MS. R. Schabbetai Sacerdotis, qui extat in Leg. Warn. Bibl. Leydensis, Num. 21.*

**P**ostquam Enan interpretatus est Leges de incestu, & versum septimum decimum Capitis Octavi decimi Levit. absolvit, ita omnes prohibitiones contraxit: אחד ואסור לה לומר למנסב אשת אביו ואשת בעל אשת אביו לאנסובי לבעל אמה ולבעל אשת אמה: ואסור לבעל אשת אביו ואסור לומר לנקבה לאנסובי לבעל אמה ולבעל אשת אמה: ואסור לבעל אשת אביו ואסור לומר לנקבה לאנסובי לבעל אמה ולבעל אשת אמה: *Primo* viro vetitum accipere novercam suam & uxorem mariti novercæ suæ, nec non uxorem vitrici sui, & mulierum vetitum nubere vitrico suo, vitrici uxoris marito & novercæ marito. *Secundo*, viro prohibitum vitrici uxoris mariti uxorem ducere, quæ uxori mariti novercæ similis est & æquiparatur; & mulieri prohibitum est nubere marito uxoris mariti novercæ suæ, quia marito uxoris vitrici assimilatur. *Tertio*, viro prohibitum forores suas ducere, siue soror sit filia patris & matris, siue filia matris, non item patris, siue filia patris, non matris, siue sit legitime siue illegitime, siue ex seruo, siue ex ancilla nata.

*II. Quarto*, viro prohibitum uxorem fratris sui ducere, quæ sorori æquiparatur. Et omnibus parentibus, cuiquam ex suis filiis misceri, vetitum, siue sint ex masculino siue ex foemina, siue ex meretrice, siue ex seruo, siue ex ancilla nati. *Quinto*, viro vetitum ducere filiam novercæ & sororem istius filia, quando ex noverca prolem pater suscepit (hoc ex illo Enan citavit Seldenus, *Ux. Ebr. Lib. I. c. vi.*) & filiam nurus suæ (ex alio viro) quando e-nuru filius prolem suscepit, & filiam sororemque vitrici, si mater ex eo prolem peperit; & filiam mariti filia (ex alia foemina) si filia ex eo prolem pepererit. Pariter foeminae prohibitum nubere filio novercæ & fratri ejus filii, si ex noverca prolem suscepit pater, & filio nurus, si nurus ex eo prolem pepererit, & filio fratrisve vitrici, si mater prolem ex eo pepererit, & filio mariti filia, si ex eo, filia prolem pepererit.

*III. Sexto*, viro cum noverca nuptiæ sunt vetitæ, si ex noverca pater prolem suscepit, & cum uxore filii nurus, si nurus ex filio prolem pepererit, & cum uxore filii fratrisve vitrici sui, si mater ex eo prolem pepererit, & cum uxore filii mariti filia, si filia ex

eo prolem pepererit: Similiter mulieri prohibitum est nubere marito filiae sororisve novercae, si ex noverca pater prolem susceperit, & marito filiae nurus, si nurus prolem pepererit, & marito filiae mariti filiae, si filia prolem ab eo pepererit. *Septimo*, viro prohibitum sororem patris sui ducere, quae ex patre est, quam ipse pater genuit, sive per legitimum, sive per illegitimum matrimonium; nec non sororem matris suae, quam itidem ipse pater genuit ex legitima sive ex illegitima. Itidem mulieri vetitum nubere fratri patris, qui ex eodem patre est, sive per legitimum sive illegitimum matrimonium; & fratri matris suae, ex eodem patre, sive legitime sive illegitime nato.

IV. *Octavo*, ואסור ליה לזכר למנסב אשת אחיו אביו דמן אביו מן מכשרה ומן אמו דפסולה ואשת אחי אמו דמן אביו בן מכשרה בן מפסולה דרומיא דאחות אביו ואחות אמו Viro vetitum est matrimonium cum uxore fratris patris sui, e patre ejus nati, sive ex legitimo sive illegitimo toro; & cum uxore fratris matris suae, sive sit ex legitima sive illegitima; quia similis est sorori patris & sorori matris. Et mulieri vetitum est matrimonium cum marito sororis patris sui e patre sive legitime sive illegitime natae. *Nono*, vetitum est matrimonium viro cum uxore fratris patris & uxore fratris matris suae, & cum ulla ex omnibus earum sororibus; & mulieri vetitum est marito sororis patris sui & matris suae & omnibus fratribus utriusque nubere. *Decimo*, viro prohibitae sunt nuptiae cum uxore mariti sororis patris sui, & uxore mariti sororis matris suae, & omnibus sororibus earum; & vice versa mulieri vetitae sunt nuptiae cum marito uxoris fratris patris sui, & cum marito uxoris fratris matris suae, & omnibus eorum fratribus. *Undecimo*, patribus ulla uxores filiorum suorum, & uxores maritorum filiarum suarum ducere nefas est: pariter matribus maritis uxorum maritorum filiarum suarum nubere nefas.

V. *Duodecimo* viro illicitum est matrimonium cum uxore fratris sui, & cum uxore mariti uxoris fratris sui, & cum uxore mariti sororis suae; foeminae rursus illicitum est matrimonium cum marito sororis suae, cum marito uxoris mariti sororis suae, & cum marito uxoris fratris sui. *Decimo tertio*, viro ducere vetitum est uxorem mariti uxoris mariti sororis suae, & mulieri vetitum nubere marito uxoris mariti uxoris fratris sui. *Quarto decimo* vetitum est matrimonium viro cum filia uxoris suae, aut cum filia filii sui, aut filia filiae suae, aut cum aliqua sororum illarum, sive

sint ex patre sive ex matre; & mulieri nubere illicitum est filio mariti sui, aut filio filii sui, aut filio filiae suae, aut ulli ex omnibus fratribus eorum, sive sint ex patre sive ex matre. *Quinto decimo*, viro ducere nefas uxorem filii uxoris suae & uxorem filii filii uxoris suae, & uxorem filii filiae suae, aut ullam ex omnibus earum fororibus, sive sint ex patre sive ex matre; & mulieri nubere nefas est marito filiae mariti sui, marito filiae filii mariti sui, & marito filiae filiae suae, ulli sive fratribus eorum, sive sint fratres ex patre sive ex matre. Ita Enan Karæus in compendium redegit omnes prohibitiones, quæ agunt de Incestu.

## C A P. XIII.

*Præter personas sive gradus expressis verbis prohibitos Lev. xviii. plures per consequentiam prohiberi, plurimorum Christianorum est sententia.*

**Q**ui in interpretatione sacrarum literarum legitimas consequentias, per rectæ rationis leges ex Dei verbo deductas admittunt, & cum attentione præcedentia Capita ix. x. xi. xii. perpendunt, non postulabunt hujus rei, quæ per se evidens est, prolixam demonstrationem, an scilicet præter personas & prohibitiones, in lege commemoratas, plures consimiles sint intelligendæ. Quia tamen non desunt, qui si casus matrimonialis sit decidendus, hoc statim in ore habent, non gradus, sed personas esse prohibitas, ideo ad hanc quæstionem breviter respondendum. Nonnullis JCtis in Germania hoc uti receptum est, ut in ejusmodi casibus respondeant, Mosem non respexisse gradus, neque ex sacris Pandectis probari posse, Deum vel Mosem in contrahendo matrimonio gradus constituisse, sed generationes tantum narrasse, & computationem graduum non ex jure divino, sed humano ortum traxisse. Secus enim a Mose non tam prolixè personas, inter quas prohibita est conjunctio, sed tantum gradus aliquos recensitos fuisse. Quam suam sententiam munire solent auctoritate Lutheri, qui *Tom. II. Jenens. Germ. fol. 149.* expressè dixerit, *Gott rechnet nicht gantz nach den graden / wie die Juristen thun / sondern zehlet stracks die personen.* Quemadmodum etiam videre est in *Consil. Theol. Wittenb. Franc. impressis.*

II. Verum enimvero sicut in excessu peccarunt illi Theolo-  
gi